

## Mbanjmoq Minzcuz Gyaeqndaw:

## Youq Ndaw Bienqvaq Haenqguh Baenaj

## 在变化中奋进的旦内民族新村

□ Maj Civaz/马志华 ingj/sij

Bya heu raemx youh saw, yied yawj sim yied angq.



▲ Laeuz minzcuz vwnzva, hawj daihgya lai rox.



▲ Ndaw mbanj vanzging ndei, beixnuengx youq cwxcaih.



▲ Ranzlaeuz aen dam aen, yawjraen caemh siengj youq.



▲ Gamjcaw youq byongh bya, daihgya bin bae yawj.

Youq henx funghgingigih Gamjcaw Hozciz Si Ginhcwnzgyangh Gih Luzgyaz Cin Dandung Cunh, miz aen mbanjmoq minzcuz heuhguh Mbanj-gyaeqndaw ndeu bya loeg hophumx seiqlengq, funghgingj gyaendei, ndaw mbanj ranzranz miz caujgiciz, ranzranz doeng swlaizsuij, doeng bilu densi, 25 doengh ranzlaeuz yiengh-siengq daegbied haenx ndoj youq ndaw raemhfaex, roen mbanj youh gvangq youh bingz, gwnz roen, gyanghongh, ndaw ranz doxgaiq baij ndaej ndeicup, ronghsag cinghseuq, fuk veh doenghnaz lajmbanj gyaendei ndeu yaprub haeuj ndaw lwgda vunzraeuz.

Mbanjgyaeqndaw dieg youq baihsaebaek Ginhcwnzgyangh Gih, liz sigih 11 goengleix gya. Aen mbanj gaeuq gaxgonq aenvih youq laj dinbya, souh gij haemzhoj reihnaz siuj youh ciengz deng rin daenz haenx lai raeuh, vih gaijbienq gij yiengh gungzhoj neix, 2005 nienz baihgwnz mizgven bumwnz ra ngaenz bangbouj caeuq ciuq aen yenzcwz “vunzmbanj gag comz gag okrengz, gak gaep cwngfuj bang bouj di” neix, comz ngaenz 400 lai fanh maenz

youq baihnaj Gamjcaw liz dieg mbanj gaeuq goengleix roen gya de, ciuq gij dajveh caeuq iugouz lajmbanj moq seveicujyi, giethab gij ndeicawq dangdieg miz raemx lai caeuq habngamj guh lijyouz de, guh aen gveihva doedok daegsaek minzcuz youh ndei youq ndeu, guh baenz le aen mbanjmoq swnghdai vwnzva minzcuz miz 25 doengh ranzlaeuz gij yiengh gig ndei yawj youh daegbied ndeu, moix aen ranz dieg gvangq 90 bingzfanghmij sam caengz gungh miz 240 bingzfanghmij; caemhcai q guh baenz aen laeuz vwnzva minzcuz ndaej guh’ angq, lienhdang, hwnj-dangz, yawjsaw ndeu. Ndaw mbanj roensuijniz bingzbwd, roeniq bu ciennding, ndaemganq diegnywj, lij guh le lanzgiuzcangz, daizheiq daengj dieg dwkgiuz yienjheiq haenx, hawj vunz lai youq ndaw aenmbanj vanzging gyaendei, gizdieg nem doxgaiq guh hozdung yienghyiengh miz caez de angqyangz vuenyungz gvaq saedceij.

Senj haeuj mbanjmoq le, gyoengq vunzmbanj youq gak gaep dangvej cwngfuj nem mizgven bumwnz cihciz caeuq bangcoh lajde,

ciuq saedcae q ndaw ranz mbanj bae guh siengmuengx ciengx bya, mbanj bae gwnz bya ciengx roeggae caeuq gaeqndoeng, mbanj haifat gij hanghmoeg lijyouz yawj gingj bin bya caeuq banh “nungzyahloz”, mbanj bae ndawsingz ra hong guh, souhaeuj ndaej demlai. Seizneix, ndaw mbanj miz daemz ciengx duzngozyiz gyanghongh 12 aen, aenruncz roeg-gae caeuq gaeqndoeng 1000 bingzfanghmij, daemz ciengx duzfw 40 lai moux, byaij hwnj diuzroen daegsaek “aeu canjyez daiq fouq, aeu lijyouz coi fouq, okrog guh hong bang fouq” neix. 2012 nienz, daengx mbanj moix vunz bingzyaenz cinghsouhaeuj gaenq dabdaengz 5247 maenz. Geij bi neix daeuj, Mbanjmoq Minzcuz Gyaeqndaw gonqlaeng aeundaej “Guengjsae Cib Daih Aenmbanj Yinxvunz”、“Swcigih Veiswng Vwnzmingz Cunh”、“Swcigih Swnghdai Vwnz-mingz Cunh”、“Hozciz Si Minzcuz Doxgiet Cinbu Mozfangih” doenghgij yungzyi miznaj neix, baenz le aen sifancunh Hozciz Si hwnjguh lajmbanj moq seveicujyi ronghyab ndeu.



▲ Gyagoeng huq dajcang, ndaw ranz dem souhaeuj.



▲ Yawj gwnz lanzsenhconz, Sawcuengh sij ndaej yienh.



▲ Lingjdauj hwnj dangigo, rox dok cwngcwz dangi.



▲ Ranzsaw miz saw lai, mbwksai caemh gaenx hag.



▲ Aenmbanj yienznaeuz iq, cujcz laeb caezcienz.